



14 Februari 2017
14 February 2017
P.U. (A) 51

WARTA KERAJAAN PERSEKUTUAN

*FEDERAL GOVERNMENT
GAZETTE*

PERATURAN-PERATURAN SURUHANJAYA SYARIKAT
MALAYSIA (PELESENAN SETIAUSAHA) 2017

*COMPANIES COMMISSION OF MALAYSIA
(LICENSING OF SECRETARIES) REGULATIONS 2017*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA SURUHANJAYA SYARIKAT MALAYSIA 2001
PERATURAN-PERATURAN SURUHANJAYA SYARIKAT MALAYSIA
(PELESENAN SETIAUSAHA) 2017

SUSUNAN PERATURAN-PERATURAN

Peraturan

1. Nama dan permulaan kuat kuasa
2. Tafsiran
3. Permohonan bagi lesen
4. Pemberian lesen dan pemberitahuan keengganan untuk memberikan lesen
5. Pematuhan syarat atau sekatan yang dikenakan ke atas lesen
6. Pembaharuan lesen dan pemberitahuan keengganan untuk membaharui lesen
7. Pembatalan lesen
8. Rayuan melalui sistem pemfailan elektronik
9. Permohonan atau rayuan melalui apa-apa cara lain
10. Fi

JADUAL

AKTA SURUHANJAYA SYARIKAT MALAYSIA 2001

PERATURAN-PERATURAN SURUHANJAYA SYARIKAT MALAYSIA
(PELESENAN SETIAUSAHA) 2017

PADA menjalankan kuasa yang diberikan oleh seksyen 40 Akta Suruhanjaya Syarikat Malaysia 2001 [*Akta 614*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Suruhanjaya Syarikat Malaysia (Pelesenan Setiausaha) 2017**.

(2) Peraturan-Peraturan ini mula berkuat kuasa pada 15 Februari 2017.

Tafsiran

2. Dalam Peraturan-Peraturan ini—

“lesen” ertinya suatu lesen yang diberikan kepada seseorang oleh Suruhanjaya di bawah seksyen 20G Akta untuk bertindak sebagai setiausaha;

“sistem pemfailan elektronik” ertinya sistem pemfailan yang disediakan oleh Suruhanjaya bagi maksud membuat apa-apa permohonan atau rayuan sebagaimana yang ditentukan oleh Suruhanjaya.

Permohonan bagi lesen

3. (1) Mana-mana orang, selain orang yang disebut dalam perenggan 235(2)(a) Akta Syarikat 2016 [*Akta 777*], boleh memohon kepada Suruhanjaya bagi suatu lesen untuk bertindak sebagai seorang setiausaha melalui sistem pemfailan elektronik melainkan jika diarahkan selainnya oleh Suruhanjaya.

(2) Permohonan di bawah subperaturan (1) hendaklah mengandungi butir-butir yang berikut:

- (a) nama, nombor pengenalan, maklumat untuk dihubungi dan alamat tempat kediaman utama pemohon itu;
- (b) alamat perniagaan pemohon itu, jika berkenaan;
- (c) kelayakan akademik pemohon itu dan pengalaman pemohon itu yang berkaitan; dan
- (d) suatu perisytiharan oleh pemohon itu—
 - (i) bahawa pemohon itu bukan seorang bankrap yang belum dilepaskan;
 - (ii) bahawa pemohon itu tidak pernah disabitkan sama ada di dalam atau di luar Malaysia bagi mana-mana kesalahan yang disebut dalam seksyen 198 Akta Syarikat 2016;
 - (iii) bahawa pemohon itu tidak pernah disabitkan sama ada di dalam atau di luar Malaysia bagi mana-mana kesalahan yang melibatkan fraud atau kecurangan yang boleh dihukum apabila disabitkan dengan pemenjaraan selama tiga bulan atau lebih; dan
 - (iv) bahawa pemohon itu tidak mempunyai apa-apa tindakan undang-undang yang masih belum selesai terhadapnya di bawah mana-mana peruntukan Akta atau undang-undang yang dinyatakan dalam Jadual Pertama kepada Akta.

(3) Permohonan yang dibuat di bawah subperaturan (1) hendaklah disertakan dengan fi sebagaimana yang dinyatakan dalam Jadual.

Pemberian lesen dan pemberitahuan keengganan untuk memberikan lesen

4. (1) Selepas mempertimbangkan permohonan yang dibuat di bawah peraturan 3, jika Suruhanjaya berpendapat bahawa pemohon itu ialah seorang yang layak dan sesuai untuk memegang suatu lesen di bawah subseksyen 20G(4) Akta, Suruhanjaya boleh—

- (a) memasukkan butir-butir pemohon itu dalam daftar; dan
- (b) memberikan suatu lesen yang mengandungi suatu nombor lesen kepada pemohon itu.

(2) Jika Suruhanjaya berpendapat bahawa pemohon itu ialah bukan seorang yang layak dan sesuai untuk memegang suatu lesen di bawah subseksyen 20G(4) Akta, Suruhanjaya hendaklah memberitahu pemohon itu secara bertulis tentang keengganannya untuk memberikan lesen.

Pematuhan syarat atau sekatan yang dikenakan ke atas lesen

5. (1) Suruhanjaya boleh mengenakan apa-apa syarat atau sekatan apabila memberikan suatu lesen di bawah subperaturan 4(1), dan boleh, pada bila-bila masa, meminda syarat atau sekatan yang dikenakan itu.

(2) Orang yang dilesenkan hendaklah mematuhi syarat atau sekatan yang dikenakan ke atas suatu lesen.

Pembaharuan lesen dan pemberitahuan keengganan untuk membaharui lesen

6. (1) Orang yang dilesenkan hendaklah memohon bagi pembaharuan lesen tidak lewat daripada tiga puluh hari, atau apa-apa tempoh lain yang dinyatakan oleh Suruhanjaya, sebelum habis tempoh lesen itu sebagaimana yang dinyatakan dalam perenggan 20G(1)(b) Akta melalui sistem pemfailan elektronik melainkan jika diarahkan selainnya oleh Suruhanjaya.

(2) Suatu permohonan untuk membaharui lesen di bawah subperaturan (1) hendaklah mengandungi butir-butir yang dinyatakan dalam subperaturan 3(2).